

# UGOVOR O KUPOPRODAJI NAFTE I NAFTNIH DERIVATA

Zaključen u Sarajevu dana 21.1.2016. godine.

## I - UGOVORNE STRANE

### Prodavac:

“HIFA – PETROL” d.o.o. Sarajevo, ul. Hotonj bb, 71320 VOGOŠĆA, (u daljem tekstu: Prodavac), koga zastupa direktor Hajrudin Ahmetlić

### Kupac:

KANTON SARAJEVO, Stručna služba za zajedničke poslove, ul. Reisa Džemaludina Čauševića br. 1 (u daljem tekstu: Kupac), koga zastupa načelnik Fikret Jašarević, dipl.ing.grad.

## II - PREDMET UGOVORA

### Član 1.

Predmet ovog Ugovora je nabavka i isporuka nafte i naftnih derivata (dizel goriva, benzina, lož ulje), za potrebe Kantona Sarajevo u 2016. godini, u skladu sa ponudom broj: JN-3845/15 od 28.12.2015.godine, zaprimljene pod br. 17-14-33289 od 29.12.2015. godine.

## III - CIJENA I NAČIN PLAĆANJA

### Član 2.

Ugovorne strane su saglasne da će se cijene nafte i naftnih derivata (dizel goriva, benzina, lož ulja – LOT 1) formirati u skladu sa cijenama koje su važeće (u skladu sa odobrenjem nadležnog Ministarstva) i koje se primjenjuju na benzinskim pumpama prodavca, uz odobreni rabat (popust) kako slijedi:

- Euro dizel EN 590 .....	0,15 KM/litar; bez PDV-a
- BMB 95 OCT .....	0,15 KM/litar; bez PDV-a
- MB 98 OCT .....	0,15 KM/litra; bez PDV-a
- LOŽ ULJE (extra lahko) .....	0,30 KM/litra. bez PDV-a

U skladu sa uslovima ponude zaprimljene pod br. JN/3845/15 od 28.12.2015. godine, polazne cijene nafte i naftnih derivata iznose:

Euro dizel EN 590 .....	1,60 KM/litar (sa PDV-om);
BMB 95 OCT .....	1,80 KM/litar (sa PDV-om);
MB 98 OCT .....	1,95 KM/litra (sa PDV-om);
LOŽ ULJE (extra lahko) .....	1,35 KM/litra (sa PDV-om).

Ugovorne strane su saglasne da će zbog podložnosti cijena nafte i naftnih derivata različitim promjenama na tržištu, koje su odraz svjetskih kretanja cijene sirove nafte na tržištu, koristiti klauzulu „kliznih“ cijena odnosno, ugovorne strane su saglasne da će se kod cijene nafte i naftnih derivata prilagođavati promjenama na tržištu BiH.

*Prodavac je dužan da realizaciju ovog ugovora započne po cijenama koje su date u prihvaćenoj ponudi zaprimljenoj pod br. 17-14-33289 od 29.12.2015. godine, te da navedene cijene zadrži minimalno 15 (petnaest) dana od dana stupanja na snagu ovog ugovora. Također, Prodavca je dužan da sve promjene cijena prilagodi preporukama (odobrenjima) za promjenu cijena nafte i naftnih derivata, koje izdaje nadležno ministarstvo, te da o svakoj promjeni cijena (povećanje ili smanjenje) koja je „odobrena“ od nadležnog Ministarstva, odmah obavijesti Kupcu i da u najkraćem roku dostavi kopiju odobrenja o promjeni cijena nafte i naftnih derivata.*

Uslijed promjene cijena na tržištu i odobrene promjene od strane nadležnog Ministarstva, a nakon obavijesti Kupca od strane Prodavca, na promijenjene cijene iz ponude primjenit će se gore odobreni rabati (popusti) po jedinici mjere, a sve promjene će biti regulisane službenom zabilješkom koje se ima vezati za osnovni ugovor.

### Član 3.

Ugovorne strane su saglasne da se cijene nafte i naftnih derivata usklađuju prema svjetskim cijenama nafte i naftnih derivata (cijene barela nafte čija promjena utiče na BiH tržište), a formiraju se na bazi cijena na pumpnim stanicama Prodavca.

Također, ugovorne strane su saglasne da se službenom zabilješkom mogu tolerisati cijene koje osciliraju +/- 30 %, dok cijene nafte i naftnih derivat koje prelaze ovaj limit mogu biti predmet samo novog ugovora.

Cijene na pumpnim stanicama Prodavca ne mogu biti veće do 10 % (po jedinici mjere), od prosječne cijene na pumpnim stanicama drugih distributera u Federaciji BiH.

Ukoliko cijene na pumpnim stanicama Prodavca budu veće za 10% i više (po jedinici mjere), od prosječne cijene na pumpnim stanicama drugih distributera (većine) u Federaciji BiH, Kupac ima pravo pokretanja jednostranog raskida Ugovora.

### Član 4.

Plaćanje isporučene nafte i naftnih derivata vršit će se na osnovu mjesečno ispostavljenog računa Prodavca, sa rokom plaćanja od **91 /devedesetjedan/ dan** od dana ispostavljanja računa na jedan od transakcijskih računa otvorenih kod banaka, a koji je naznačen na računu, osim u slučajevima kada u toku mjeseca dođe do promjene cijena, kada se ispostavljanje računa ima prilagoditi datumima promjene cijena.

## IV – KVALITETA

### Član 5.

Prodavac je dužan da obezbjedi Uvjerenje o usklađenosti kvaliteta naftnih derivata za sve vrste goriva koje su naznačene u ovom Ugovoru.

Također, Kupac će preko svoje Tehničke službe kontinuirano pratiti kvalitet isporučene robe.

Ukoliko dođe do pada kvaliteta goriva u odnosu na usvojene i važeće BH standarde, Kupac može jednostrano raskinuti ugovor u roku od 24 sata.

## **V - NAČIN I ROK ISPORUKE**

### Član 6.

Isporuku nafte i naftnih derivata Prodavac će sukcesivno isporučivati putem benzinski pumpi na slijedećim lokacijama u Sarajevu:

*b/p – Hotonj bb – Vogošća;*

*b/p – Adema Buće bb – Buća Potok*

*b/p – Rustempašina br. 38 – Ilidža*

*b/p – "Hifa" Put Mladih muslimana bb – Bistrik*

Kupac je dužan da prodavcu dostavi spisak vozila Kantona Sarajevo koja imaju pravo točenja nafte i naftnih derivata na navedenim pumpnim stanicama, sa tačno naznačenom markom i registarskim brojem vozila.

Na osnovu dobijenog spiska vozila Prodavac je dužan uredno da izda elektronske kartice za evidenciju i kontrolu točenja nafte i naftnih derivata. Također, Prodavac je dužan da provodi kontinuiranu kontrolu točenja goriva, kroz utvrđivanje vjerodostojnosti kartice na koju se toči gorivo, te njene usklađenosti sa vozilom u koje se toči gorivo. Ukoliko Kupac ne omogući provođenje ove vrste kontrole, odnosno ne omogući poštivanje ovog zahtjeva, Kupac će odmah izvršiti jednostrani raskid ugovora bez mogućnosti bilo kakvog uslovljavanja od strane Prodavca.

### Član 7.

Prodavac je dužan da evidenciju točenja nafte i naftnih derivata sastavlja u pismenom obliku, u minimalno dva primjerka, koji moraju biti potpisani od ovlaštene osoba. Ovaj dokument Prodavac dostavlja Kupcu na kraju mjeseca a najdalje u roku od 15 dana, zajedno sa ispostavljenim računom, čija vrijednost mora biti identična dokumentu koji je potpisivan (registrovan) od lica koja su preuzimala gorivo.

Gore navedni dokument treba minimalno da sadrži slijedeće elemente: komercijalni naziv robe, količinu, cijenu i iznos, datum isporuke, registarski broj vozila i potpis ovlaštene osobe Kupca koja je preuzela naftu i naftne derivate.

## **VI - TRAJANJE UGOVORA**

### Član 8.

Ovaj ugovor stupa na snagu danom potpisivanja, i važi do 31.12.2016. godine, sa mogućnošću produženja od maksimalno godinu dana, pod potpuno istim uslovima.

## VII - PRELAZNE I ZAVRŠNE ODREDBE

### Član 9.

Ugovorne strane su saglasne da ukoliko se ne poštuju ugovorene obaveze iz ovog Ugovora, iste mogu jednostrano raskinuti ovaj Ugovor, pismenim putem uz otkazni rok od 15 dana.

### Član 10.

Ugovorne strane su saglasne da će se sve izmjene i dopune osnovnog ugovora regulisati aneksima ugovora ili minimalno službenom zabilješkom ukoliko su predmet izmjene samo cijene Ugovora.  
Službena zabilješka mora biti sastavni dio osnovnog Ugovora.

### Član 11.

Ugovorne strane su saglasne da će sve nesporazume rješavati dogovorom, a ukoliko to ne bude moguće ugovara se nadležnost suda u Sarajevu.

### Član 12.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

**Prodavac**  
**"HIFA PETROL" d.o.o. Sarajevo**

  
**Direktor**  
**Hajrudin Ahmetlić**

**Kupac**  
**Kanton Sarajevo**  
**Stručna služba za zajedničke poslove**

  
**Načelnik**  
**Fikret Jašarević**

Broj: 88/16  
Datum: 21.01.2016

Broj: 17-14-31014-18  
Datum: 21.1.2016. godine

